

南洋華僑

南洋華僑

一 中國殖民南洋小史

李長傳

國人談及華僑，無不連想及南洋者。南洋與我國之關係，稍留心時事者，類能道之。近年來國人對於南洋地理調查之著作，頗有所貢獻。而關於殖民史方面，尙少系統之紀載。夫研究歷史，非僅欲知過去之事實已也，其目的有四，曰明變，曰探原，曰求例，曰知來。（據李秦葵氏說）故欲解決現在將來之中國南洋問題，非明瞭其過去之歷史不可。爰不揣譾陋，採錄羣書，參以南僑之口碑，輯爲此篇。以此種史料搜求之不易，著者史識之淺薄，脫落錯誤，自所不免，尙望通人賜以教益焉。

一 導言

南洋者，以其位於我國之南方，而遠隔重洋也。猶漢代稱中亞曰西域，近代稱歐美曰西洋也。其範圍殊不能確指，地理學者，遂有廣義狹義二說。廣義之說，自後印度半島，南經馬來半島，包有馬來羣島，南迄澳大利亞，東括太平洋羣島，皆謂之南洋，實含有亞洲東南部及海洋洲全部。狹義之說，則僅指馬來半島，馬來羣島（一作東印度羣島，國人呼爲南洋羣島）一百餘萬方哩之地，曰南洋也。二說各有理由，莫衷一是。惟本篇所指南洋之範圍，則以後者爲標準。蓋後印度諸國（即安南，暹羅，緬甸）雖久爲我藩屬，然各有其獨立之歷史，故當別論之。澳洲及太平洋諸島，雖我太遠，歷史上未發生關係。其在殖民史上與我最有關係者，僅馬來半島，及呂宋，婆羅洲，哇爪，蘇門答刺諸島而已。

我國殖民南洋之時期起自第五世紀，而迄於現在。本篇假定爲三時期：十四世紀以前，我國初通南洋，爲啟蒙時期。第十五世紀，征服諸島，爲鼎盛時期。十六世紀以後，西力東侵，爲式微時期。茲分述之如左。

二 啟蒙時期

我國學者，稱馬來人亦作馬流，馬留，謂爲漢馬援南征遺留兵士之後裔。亦有謂馬來人風俗皆三代之制，乃鯨之後裔者。（任壽華南洋通志曰：『鯨妻生士敬，士敬子曰炎融，生驩頭，人面鳥喙，有翼，食海中魚，杖翼而行，國於南海。……爪亞演古事，皆人面鳥喙，兩手長及地，杖而行，亦能略飛。……又證以爪人黑髮黃面，帷裳蓬戶，席地手食，刈禾載重諸俗，皆中華三代之制，爲鯨之後，亦信史也。』）最近美人哥德（Carl E. Guthe）氏，在斐律賓掘發中國陶器，謂華人在侵史以前已寓

斐島。則南洋土人是否係華人之後裔，頗有研究之價值。然此問題有入人種學範圍，與本篇無甚關係，茲不具論。

我國關於南洋之紀載，始於法顯之佛國記。法顯爲晉代高僧，至印度求經，由海道返國。據佛國記所載，顯自師子國（今錫蘭島）乘商人船，可載二百餘人，上繫一小舟，得好信風，東下三日，遇大風，船漏水入，小船斷絕去。飄流十三晝夜，至一島邊，補船復行，九十餘日，至耶婆提。停此國五月日，隨他船東北趣廣州。一月餘日，夜遇風雨，迷途經七十餘日，至長廣郡牢山（今山東勞山）南岸。時四一六年（晉義熙十二年）也。耶婆提說者謂卽爪哇，唐史作社婆，宋史作闍婆，皆一音之轉也。（或據章太炎氏說，謂耶婆提卽今南美之厄瓜多爾國（Ecuador）。理由殊不甚充足，按（Ecuador）西班牙語赤道之意，源出拉丁文之（Aequator）。若法顯至美洲，在歐人前千年，恐厄瓜多爾之名詞尙未輸入新大陸也。）

法顯爲紀載上經過南洋之第一人，然華僑之至南洋，則尙在晉前也。漢書謂朱崖（今海南島）之南有諸國，近者十餘日可達，遠者四五月程。前後遣使入貢。其俗多與朱崖相似，戶口蕃滋。武帝時遣應募人，與其使俱入海，市珠玉異物。說者謂係中南交通之始。據第九世紀阿刺伯人所著中國印度聞見錄紀載，第三世紀中葉，中國商船已由廣州達檳榔嶼。第四世紀，漸達錫蘭。第五世紀，更由錫蘭以達亞丁，終乃在波斯及米索不達米亞等處，獨佔商權。（見 *Peiand, Relation der Voyages*）則魏晉間，我國人已達馬來半島。近年有於英屬北婆羅掘出我國晉代古物，極爲可據。則華僑之移殖南洋，亦當在法顯之前也。

至第七世紀時，唐代東西互市。設市舶司於廣州，泉州，杭州諸港。海道貿易甚盛，海舶往來不絕。據日本高楠順次郎氏之說，我國商船之航路，由廣州航海，經占婆（*Champa*）今越南之中國交趾）之澳，至末羅遊（今蘇門答刺）或閩婆（今

爪哇）分爲二路。一因便舟西行，經今之巽他海峽，至師子國。一乘便舟西行，經今之麻刺甲海峽，寄航於裸人國（今尼古巴 *Niobai* 羣島）而至耽羅栗底（*Talatalipti* 今加爾各答）義淨之往復路，不空金剛智達摩大師之來路，皆取道於此。當唐代大開南海航路之前後，自南北朝以迄南宋，南洋諸國朝貢不絕，而華僑大批之移殖，亦正在其時。顏斯綜南洋蠡測謂新忌利坡卽（新加坡）有唐人坟墓，記梁朝年號。及宋代咸淳，可以證也。

至於南洋羣島華僑有目的之移殖，當始於十三世紀之中葉。宋亡於元，宋遺民之避地海外者，多趨於南洋。據南僑口碑所傳說，華僑至爪哇殖民之第一人，爲宋遺臣鄭思肖（字所南，福建連江人）初至地爲今之巴達維亞，華（僑呼巴城）其居留地曰八茶罐，乃以茶八罐與土人相易者。當時建屋二十六間，遺跡至今猶存。

我國政府以武力征服南洋，則始於十三世紀之末葉。元世祖遣使招致西南洋諸國入貢。惟爪哇不聽命。世祖使右丞相孟淇往諭降，被鯨面之辱。世祖大怒，一二九二年（元至元二十九年）命史弼、高興、亦黑迷失等將兵三萬舟千艘討之。會師於泉州出發，翌年至柏欄山（今萬里洞）議方略。進至吉利門（爪哇北小島）至杜并足（今蘭木檳，爪哇北岸）分軍下岸，水陸并進。時爪哇國王爲鄰境噶郎國所殺，其壻士罕必闐耶來迎弼求救。弼軍進至麻哈巴歇（今馬的溫）屢敗噶郎兵。於是分道前進。士兵繼其後。與噶郎兵十餘萬交戰，自卯至未，連三戰，敵奔潰擁入河者數萬人，殺五千餘人。噶郎王哈只噶入內城拒守，元軍圍之，力竭允降。而士罕必闐耶潛叛去，留軍拒戰，元將遇害者數人，軍士死者三千餘人，弼戰禦之得還。祇取得哈只噶妻子官屬百餘人，及地圖戶籍，所上金字表回國。計亡失貨貝五千餘萬，所得不償所失。然自元迄明，諸國朝貢不絕，爲中國國威遠震南洋之

始。

三 鼎盛時期

十四世紀末葉，（明洪武初）明初開國，南洋諸國多入貢。詔命爪哇三佛齊山川，附祭於廣東山川之次。渤泥之山川，附祭於福建山川之次。明成祖卽位，疑惠帝亡命海外，屢遣中官蹤跡之。其遣至南洋者，有馬彬至爪哇蘇門答刺，尹慶使滿刺加，而以鄭和爲最。鄭和雲南人，世稱三保太監。自一四〇五年（明永樂三年）迄一四三三年（宣德八年）航海凡七次，遠至非洲東岸。宣揚威德，頒詔給賜，不服，以兵力懾之。及和還朝，皆遣使隨之入貢，前後凡四十餘國。南洋諸國二十。和蹤跡所至，華僑皆隨往移住。故三保太監下西洋，稱明初盛事。今南洋土人，猶震於三保大人（或作三寶）之威名。各地多三保大人廟，土人歲時虔禮之。三寶壠（華

僑呼壠川）有三保洞，相傳卽三保暮年歸真之所云。

鄭和經歷南洋諸國，據馬歡瀛涯勝覽，費信星槎勝覽，馬二氏皆回教徒，通阿剌伯文，爲當時通譯。所載者列下：

彭坑 在馬來半島東岸，今作彭亨（*Pahang*）。

東西竺 明史謂卽柔佛，梁任公謂卽新加坡。

龍牙門 在馬刺甲海峽中，今或作冷牙（*Lingga*）。

交欄山 今萬里洞（*Billiton*）。

假里馬丁 在婆羅洲蘇門答剌間，今作卡里馬塔（*Karimata*）。

麻逸洞 星槎勝覽謂在交欄山西南海中，或謂卽今文島（*Muntio*）。

爪哇 據南僑口碑鄭和初抵爪哇之地，爲三寶壠。今猶以每年陰曆六月三十日，爲和抵島之紀念日。

重迦羅 卽今馬都拉島 (Madura I.)。

吉里地門 星槎勝覽謂在重迦羅東，產檀香，或謂卽今之摩爾島 (Timor

I.)。

滿刺加 今作馬刺甲。

亞魯 蘇門答刺北小島，今或作亞羅島 (Aroe I.)。

九州山 在馬刺甲海峽中，凡九島，土名 (Pulo) (島之意) (Sambihou) (九之意)。

舊港 本三佛齊地，一名渤彬邦 (Palembang)，今華僑呼巨港。

蘇門答刺 今全島之總名，當時指今亞齊 (Atjeh) 州地。

南渤里 亞齊之西，今地難確指。

那孤兒 一名花面國，亞齊之一部，今地難確指。

黎伐 亞齊之一部，今地難確指。

龍涎嶼 亞齊東北一小島，今名(Pulo Way)。

翠藍嶼 今安達曼羣島(Adaman Is.)

以上據費馬二氏說，所舉地皆偏於西部。然據明史外國傳，謂文萊、鄭和使其國，閩人從之。黃省曾西洋朝貢典錄謂呂宋於永樂八年，隨鄭和入朝。是則鄭和足跡所經，殆徧南洋羣島也。

鄭和在南洋之偉績，今不能詳。據明史所載，僅所謂三擒番王而已。第一次出使時，擒舊港酋陳祖義。(事詳後)第二次出使時，錫蘭王亞烈苦奈兒負固不服，和生擒之。(據西史，錫蘭王名(Vijaya Bahu VI)因虐待中國人之往朝佛者，成祖命鄭和往討，俘之。)第三次出使時，蘇門答刺王子蘇幹利謀奪王位，怨使臣賜不及己，邀擊官軍，爲和所敗。追至南渤利，併其妻子俘之以歸。一四一二年，(永

樂十三年）斬於行在。

初，十四世紀末葉（洪武間），爪哇西侵三佛齊，舊王朝亡，國大亂。時閩粵人旅佛者千餘，南海人號召而部勒之，保國之北境。與爪哇相拒，爪哇不能有也。閩粵軍民從之泛海者數千家。一四〇六年（永樂三年）成祖命行人譚勝受敕招之，道明與其黨鄭伯可入朝貢方物，受賜而還。翌年遣從子政入朝，陳祖義亦粵人，本海盜，明撫之，使爲舊港頭目。一四〇七年（永樂四年）曾遣子士良入朝，而盜行未改。鄭和與王景宏使南洋，祖義謀劫之以示威。其僚屬施晉卿潛告和，和預爲備。祖義率衆至，大敗被俘，歸戮於燕市。獎晉卿功，命爲舊港宣慰使。至一四二四年（永樂二十二年）晉卿卒，子濟孫奏請襲職，猶屢入貢。

當鄭和下南洋時，華僑勢力已甚盛。其建立國家者，除梁道明外，尙有順塔王某，廣東人，佚其姓名。順塔在爪哇北海濱，方三百里。流寓者多廣東及漳泉人。聚成

村落，名曰新村。地甚饒富，各國商舶輻輳。一四一一年，（永樂九年）曾遣使入貢。此一時期，當爲我國勢力在南洋最盛之期云。

四 式微時期

當鄭和威震南洋之日，正歐人世界發現開幕之時。三保大人造戰艦，宣威海外。而葡萄牙王子亨利，亦獎勵航海，尋覓新地。惟我故步自封，繼起無人。而歐人著進展，再接再厲。不百年後，西力東侵，達於南洋，而殖民史上，遂大起變化矣。

考歐人之初至南洋者，當推馬哥孛羅氏。馬氏由華取程海道回國，曾遇颶風飄泊於爪哇島。時在一二九一年，（元至元二十八年）正史弼南征之前一歲也。然馬氏不過偶然之過客而已，其抱殖民之目的而來南洋者，則始於十六世紀。一五一一年，（明正德六年）葡萄牙人初抵麻刺甲。一五二一年，（正德十六年）

麥哲倫奉西班牙王命抵呂宋羣島，一五五六年（嘉靖四十四年）西人遂佔領之。一五九五年（萬曆二十三年）荷蘭人亦來爪哇，蘇門答刺諸島。一六〇二年（萬曆三十年）組織東印度公司以經營之。一六〇〇年（萬曆二十八年）英人亦出現。嗣後雖葡仆英起，西去美代，而茫茫羣島，遂籠罩於歐人勢力之下。我國南洋殖民事業概由華僑自動，政府從不過問，華僑處此種環境之下，不得不出兩途。一以個人之力，與歐人爭地。二於歐人勢力未及處，立國自治。然無國力爲其後盾，終不免屈伏於外人。不幸僑民爲他人虐殺，政府亦置之不問，亦大可慨矣。

中西南洋殖民之戰爭，首推李馬奔呂宋之役。李馬奔者，泉州人，本海盜巨魁。從海上掠得帆船之來自馬尼刺者，得悉其形勢。因以捕虜爲鄉導，率帆船六十二艘，水陸兵各二千，婦女一千五百，進攻呂宋。時一五七四年（萬曆三年）十一月二十九日，距西人之據呂宋，尙不足二十年也。馬奔使部將日本人莊公，將兵六百

先入。適暴風起，舟多覆者，溺殺幾二百人。莊公以殘卒進薄馬尼刺城外，進殪西副將，西兵退保桑的亞哥。會援兵一隊至，莊公以爲大軍也，稍引退，西人乘勢追擊，血戰亘數時，莊公退合馬奔大營。時西帥溫薩爾塞特方經略北部，聞警急歸。十二月三日，馬奔又進擊，莊公引兵一千五百登岸，縱火市街，圍其堡壘，師船自外發礮助攻。莊公遂以所部入西城，西軍殊死戰，莊公陣歿。馬奔復發兵五百繼之，終無功而退。乃收餘衆，航呂宋西岸，至亞格諾河（Pio Agno）口，降土人築城以居。溫薩爾塞特聞之，又大舉來攻。馬奔知不敵，留兵城中，牽制西兵，而乘間出海遁。留兵走匿深山間，今呂宋有伊哥羅支那人種，卽其苗裔也。馬奔遁迹海外，不知所終。或云，又往攻澳門，據有其地。後葡萄牙人進攻，獲而戮之。（此據胡紹南氏說。）

自李馬奔戰後，西人嫉我華僑勢盛。一五九六年（萬曆二十四年），華僑被逐者，一萬二千人。至一六〇三年（萬曆三十一年），兩方猜疑更甚，遂起大變亂，

華僑被殺者二萬三千人，存者僅三百人。中國呂宋間，交通斷絕。繼爲明庭所聞，曾馳書切責西人之無理，惟聲明明帝之不征伐西人者，乃帝王之大德大度，且僑民皆係背離其祖宗鄉井之賤民云。嗣後華僑漸往，不久繁盛如故。至一六三九年（崇禎十二年），又遭殺害，僑民三萬三千人，被殺者殆三分之二。於是限定人數，以六千人爲限，且須奉天主教。然僑民依然增加。一六六〇年（清順治十七年），鄭成功逐荷蘭人，據台灣。遣駐廈門之西班牙僧侶維多利亞支利西哥使馬尼刺，令呂宋奉台灣之制命，西人察知其來意，集步兵一千騎兵八百，以備叛亂，而厚禮以待使節。華僑聞國姓爺逐荷人，據台灣，已自心醉，頗自豪放。及使節至，人心搖動，不可復制，遂起事。不幸爲西人所敗，華僑力戰不屈，鏖殺殆盡，所遺者僅供西人驅使之賤民而已。台灣同胞聞耗，痛極，咸欲屠馬尼刺而甘心。不幸國姓爺忽於是時得病，於一六六二年（康熙元年）逝世，此仇遂永無報復之期。至一七六三年